

## ŠERDINE PRINCIPURA THAJ FORMULJARO

# Komunalne Terne Manušenge Programe Šerdine Principura Thaj Kandidatura Ando 2018-To Berś

E Terne Manušengo Thančhanipe, ekhe thaneste e Publikane Sastipenaske Programasa, rodel kandidatura (aplikantura) vaś peske Komunalne Terne Manušenge Programe.

E Komunalne Terne Manušenge Programe ka dumoden (žutisaren) dinamikanen ternen aktivistonen kon si maśkar e berśa 18 thaj 30 thaj kon kamen te keren ekh proekto pe pesko dizajno savo del pakiv (respekto) ka o maśkaruno punkto (intersekcija) maśkar e LGBTXIA (Lesbiano, Gejo, Biseksualno, Trans-seksualno, Xomoseksulno, Interseksualno, Aseksualno) thaj e romane komune, thaj e but riga thaj forme vaś diskriminacija savi kadaja komuna arakhel ande e sastaripenaske turalina.

Kadaja programa ćaćešte pindžarel e dara vaś diskriminacija vaś o putardo ženipe (societeto), thaj rodel te kerel ekh šerdinipenasako kanalo savo promotiril terne manušen kas si len direktno žanipe (eksperiensa) e problemonenca save von zumaven te resaven.

E Lila vaś o Intereso (LVI) trubul te bičaldindon pe ando o 10-to januaro 2018-to berś (23:59 o sato Centralno Europutni Vrjama) thaj trubul te aven bičhalde [\[kate\]](#).

Kadava dokumento dyrkol (phenel) e programake šerdine principura, kriteriumura vaś alosaripe (selekcija), thaj informacija pe sar te mukel pes e lilengi kandidatura (aplikacija).

### GENERALNO INFORMACIJA

E Terne Manušengo Thančanipe si bazirime ando o timo vaš e Strategikani Khukhin karing e Fondacije Putardo Ženipe thaj rodel te dumodel o čhanutno angažiripe e ternenca ande sa e Fondacije Putardo Ženipe. E Terne Manušengo Thančanipe rodel te kerel buki dinamikane terne aktivistonenca kon thon trat (efekto) pe o pharuvipe thaj barjaren [e misija thaj e mola vaš ekh putardo ženipe](#).

E [Publikani Sastipenaski Programa](#) ande e Fondacija Putardo Ženipe kerel buki te marel pes mamujal e diskriminacija thaj o došdipe (abuzo) ando sastipenasko samadipe (griza) thaj zordel komunen save len minialno thaj substandartno samadipe kadalestar kon von si - thol pes andre e roma thaj aver ciknipenata (minoriteta), trans-seksualne thaj interseksualne manuša, manuša kas si len intelektualne thaj psixologikane bišajpenata (bangipenata), seks bukjarne, manuša kon pen droga, thaj migrantura thaj našline manuša.

### KOTOR I: SASTUTNE ŠERDINE PRINCIPURA THAJ ALOSARDINE KRITERIUMURA

#### Sastutni informacija

Europutne anti-diskriminacijake legije (zakonura) ni den pakiv aj adresirin e problemura vaš e romani LGBTXIA komuna thaj e socialne pozicije, thaj e socialne politike naštin te reslineste adresirin e buxleste žangle thaj interseksionalne modelura vaš diskriminacija thaj biekhsaripe.

Kadava kotor katar e populacija serel naproporcionalne sastipenaske xora, intenzivno marginalizacija, butrigali etnikani thaj seksualno opresija katar o majsino (meinstrim) ženipe, thaj diskriminacija thaj muj-phandipe ande e maj buxli romani komuna. Žene ande e romani komuna kon akhjaren peske identiteta te aven privatne, kompleksne, thaj žalne šaj len fajdava katar e maj butne šajpenata thaj socialno kapitalo kana von vazden peske rolje sar aktivistura ande o romano meškipe.

#### Proektosko Fokuso

Via e Komunalno Terne Manušengi Programa, e Fondacije Putardo Ženipe resden (celin) te den gogjaveren šerutnen (lideren) o dumodipe kaj len trubul len te barjaren bare ideje kaj peraven e problemura ande peske komune thaj angle-ingjaren e mola (valoare) vaš ekh putardo ženipe.

Kaj pindžardol pes o trubupe te barjardindol pe o angažiripe e terne manušengo pe kadala problemura, e Komunalne Terne Manušenge Programe roden te dumoden dinamikanen ternenen maškar 18 thaj 30 berš kon kamen te keren ekh proekto pe pesko korkoro dizajno kaj pindžarel o maškarunno punkto ande e LGBTXIA thaj e romane komune, thaj e bute rigengi thaj formengi diskriminacija savi kadaja komuna serel ande sastiripenaske turalina.

E proektura kaj ame rodas te dumodas šaj fokusirin pe sisavi area vaš sastipenaske xakaja (čačipenata) kaj si mujalne (relevantne) vaš e terni romani LGBTXIA komuna, kaj thol andre seksualnipe, reproduktivne xakaja, bišajpe, živdipenaske (trajosko) kvaliteto, andredipe (akseso) ka e sastipenaske samadipenaske servisura, pakivalo sastipenaske samadipe, ekhlalipe (konsento), stigma, thaj aver.

### **Proektosko Metodo**

E kandidatura šaj keren buki ekhe aj bute ververe strategijenca te resaven e resa thaj e planura vaš pesko proekto, andrethol, ama naj limitirime ži ka, o kotoravipenaske (participatorno) akcijako rodipe, publikane dumodipenaske (advokacija) kampanije, lokalno organiziripe, rodipe vaš sar te adresirin pe e akanutne doškeripenata (violencije), identifiripe aj keripe vaš pozitivne praktike, thaj aver.

Date e strategije kaj si kerde buki lenca aj e problemura kaj si adresirime, sa e proektura ande e Komunalno Terme Manušengi Programa trubun te res den pe te adresirin ekh specifikano problemo ande e kandidatoski komuna.

### **Komunalne Terme Manušenge Programe NI den love vaš:**

- **Anramosaripe ande ekh akademikani institucija** vaš padmadino (nivelo ando universiteto) aj bipadmadino sikavipe thaj i disertacijako rodipe. Važe, sar si indikirime ande e sekcija “Vrjamako Sadipe”, e manuša ande e programa našti te aven pherde vrjamake studentura ži kana von si ande e programa.
- **Lobipe aj politikano keripe (aktiviteto).** Potencialne kandidatura trubul te gogjasa dikhen amari [Taksaki Legija vaš Lobiripenaske Norme](#) maj anglal te bičhalen peski kandidatura. Te si lenge dindo than ande programa, e kandidatura trubul te thon peski lali (akordo) ande kadava te na keren lobipe thaj politikane kera ži kana si andre ande e programa.

### **Prizura**

E programe thon andre pherde vrjamaki stipendija, 18 čhonenge proektura (pe pro rata vaš kotali vrjama aj 12 čhonenge proektura). Maj but katar kadava, manuša ande programa šaj keren kandidatura vaš proektosa dorjarde love te pokinen peske droma thaj te len proektosko dumodipe, thaj ka avel len andredipe ka e sastipenaske siguripe, sar i andredipe ka verver treningura, drakhinipe, thaj profesionalne barjardipenaske šajpenata.

E res kadale programake si te dumodel individualnone manušen kon si ande programa; kadaleske, e programa ka sade pokinel individualne love-xapenata, thaj e love naštin te trubusaren pe te pokindol pes e manušeske bukjaki pokin. Kamas tutar te les tuke upre kaj e grantura ka e manuša ande e programa dikhlindon pe sar publikani informacija thaj e manušenge alava, adresura, thaj proektosko dyrkope ka aven thodine ande finansovime lila e Fondacijenge Putardo Ženipe.

### **ALOSARIPENASKE KRITERIUMURA**

1. **Berša:** E kandidatura trubul te aven maškar 18 thaj 30 beršenge kana ka astaren e programa.
2. **Proektosko fokuso:** E kandidatura trubul te den proektoske ideje kaj fokusirin pe e area vaš sastipenaske xakaja kaj si dorjadine e terne romane LGBTXIA komunusa, sar o seksualnipe, reproduktivne xakaja, bišajpe, živdipenasko kvaliteto, andredipe ande e sastipenaske samalipenaske servisura, pakivalo sastipenasko samadipe, ekhlalipe, stigma, thaj aver.
3. **Profesionalno barjadipe:** E kandidatura trubul te aven pe o terno nivelo peske karierengo thaj te kamen te sikjon maj but ašal so trubul te del pes te šaj avel pe optimalno efektivno sar ekh aktivisto thaj sikavno (edukatoro) ande ekh specifikano than aj pe specifikano problemo. Ni rodel pes minimalno školako nivelo.
4. **Direktno afektirime manuša:** E kandidatura kaj si direktno afektirime katar, aj kas si len vaštno (importantno) žanipe vaš, e problemura, politike, praktike, thaj sisteme kaj ni thon agor pe diskriminacija mamujal kotoravne (membrura) katar e LGBTXIA romani komuna, si zoraleste kuražodine te bičhalen peski kandidatura.
5. **Potencionalo thaj rigdipe:** Ame ni rodas kandidatura kas ni sas len loko andredipe ka siavne šerdipenaske kanalja aj aver droma ži ka o reslipe (sukseso), ama kon date kadava si len res, talanto thaj e zor te thon vast upral ekh šajpe vaš barjaripe thaj barjadipe kana vov avel ande lengo živdipe.
6. **Vrjamako sadipe:** E programake manuša si planirime te aven 18 aj 12 čhon ande e programako keripe thaj šaj astaren maškar o augusto thaj o novembro 2018-to berš. Proektura šaj te aven pherde vrjamake (minimum 35 satura po kurko) aj pašpherde vrjamake (minimum 20 satura po kurko). Programake manuša naštín te aven pherde vrjamake studentura aj naštín te aven len pherde vrjamaki buki žikana traden e programa, i e programa te sade (numa) avel pašpherde vrjamake.
7. **Proektosko than (lokacija) thaj res:** E kandidatura šaj te bešen ande sisavo katar e telune thema (phuvja):
  1. Čexikani Republika
  2. Slovakija
  3. Ungriko Them
  4. Romanija
  5. Makedonija
  6. Serbija
8. **Mentoro/ supervizoro/ šampiono:** E kandidatura si zoraleste kuražodine te identifirin barem ekh manuš kon ka del len godi, žanipe, thaj dumodipe pe konsistentno baza (sako drom kana trubul len) ži kana kerdol pes o proekto – khajekh (varekon) kon ka avel žanglo sar e kandidatosko mentoro, supervizoro, aj “šampiono”. Kadava manuš šaj avel, ama ni trubul te avel, katar e lipedavni organizacija (dyrkome tele). Kadava manuš trubul te žanel vaš e kandidatosko

proekto savo si ande e programa, te avel sadino te dumodel e programake kotoravnes te resavel e proektoske resa thaj obektive, thaj te avel sadino te dumodel e kotoravnesko baripe thaj barjardipe sar ekh aktivisto thaj sikavno. Kadava manuś ka avel les aj la, idealno, fundakano žanipe aśal o problemo kaj si centralno ande e programako proekto aj aśal e geografikani lokacija ande savi e proekto ka kerdol pes.

9. **Lipedavne organizacije:** E kandidatura si kuražodine, ama ni trubul, te keren buki ekhe lipedavne organizacijasa (kaj lel kandidatura). Lipedavne oranizacije – save śaj aven pirnothode (advokacijake) aj komunalne grupe, sikavipenaske aj rodipenaske institucije, śerutnipenaske (gubernoske) agencije, aj aver biprofitane asociacije – śaj den andredipe ka resursura sar than, texnologija, thaj drakhina, sar i mentoripe thaj śerdipe. E programa ni del e lipedavne organizacija maj but love.

Te san akhardo te bichales sasti kandidatura, tu ka aves pućdino te des maj but informatija aśal e lipedavni organizacija, thaj sar voj śaj del tut dumo te resaves e kandidatura. Ame śaj i te pućas e lipendavne organizacijen te keren ekh Memorandum vaś Akhjaripe amenca, savo dipendil pe o nivelu vaś e proektosko andresipe.

## KOTOR II: KANDIDATURA

### SAR TE BICHALES E KANDIDATURA

Te bićhalen e kandidatura, e kandidatura trubul te resaven 2 padmadura ži ka o **10-to januaro 2018-to berś:**

- **Pheren e onlain registracijaki forma [KATE].** Kana si registruime, e kandidatura ka len andredipe ka e kandidatura.
- Čhon onlain e telune kandidaturake dokumentura
  - **REZJUME AJ BIOGRAFIJA** (maksimum 2 riga)
  - **LIL VAŚ INTERRSO (LVI):** ekhe lineate mukhlo lil vaś interesu (maksimum 2 riga) kaj si struktutime ande ekh lali e onlainone LVI formasa, AJ ekh video aj aśundin ramosaripe (maksimum 4 minute) kaj thon andre e ekhutne punktura dyrkome ande e onlaine LVI forma

Kandidatura śaj bichalen sade ekh ramosardo aj aśundin-ramosardo LVI ekhe proektoske.

Kandidatura kon bićhalen but kandidature aj but proektoske idee ande ekh ekhalo bićhalipe naj ka aven linde.

Kana e LVI-ta thaj rezjumeta/biografije si dikhlinde, ekh cikno numero katar e kandidatura ka aven akharde te bićhalen saste projektrura, save ka aven linde via sade ekh akharipe (inviata).

Kadala kon si akharde te bičhalen saste proektura ka aven dinde sa e detailura save ka trubun len ande e dori e proektoske andresipenasa (kontentosa) thaj strukturasa.

Saste šerdine principura ande anglikanes, romanes, čexikanes, slovakanes, ungrikanes, rumunikanes, serbikanes thaj makedonikanes si thaneste ande e sekcija Fuljar Failura pe kadaja ueb rig. Te si tut pučipenata aj arakhes texnikane problemura e onlainone kandidaturake formasa, kamas tutar te keres kontakto e Terne Thančanipenasa pe [youth.exchange@opensocietyfoundations.org](mailto:youth.exchange@opensocietyfoundations.org).